

Ո Ր Ո Շ ՈՒ Մ N 018/1
/մաքսային կանոնների խախտման վերաբերյալ
գործի վարույթը կարճելու մասին/

«16» հունվարի 2019թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետի տեղակալ Հայկ Հարությունյանս, քննելով ժառանգ ժուսուֆովիչի (անձնագիր՝ B0804962, Բոսնիա և Հերցեգովինա) կողմից մաքսային կանոնների խախտման վերաբերյալ գործը.

Պ Ա Ր Զ Ե Ց Ի

Արարատյան մաքսատուն վարչության բացթողնման բաժնի կողմից 22.12.2018 թվականին կազմված թիվ 120 մաքսային զննման (տեսազննման) ակտի համաձայն արձանագրվել է, որ 22.12.2018 թվականին «Ալյանս Տերմինալ» մաքսային հսկողության տարածք մուտք է գործել «DAF» մակնիշի թիվ CEED067/CELR370 պետհամարանիշի մեքենան, որի մեջ, ըստ տարանցման հայտարարագրերի, պետք է բարձված լիներ 18 կազմակերպություններին պատկանող բեռներ: Կատարվել է տվյալ մեքենայի արտաքին նախնական զննում՝ մաքսային ապահովումները եղել են անվնաս: Մեքենան բեռնաթափելուց հետո պարզվել է, որ բացակայում է «Էկո նատուրալս» ՍՊ ընկերության անունով 3 տեղ 328.4 կգ բեռը, որի համար Բավրայի մաքսային կետ-բաժնում լրացվել է թիվ 05100022/221218/0031731 տարանցման հայտարարագիրը: Ըստ փոխադրողի կողմից ներկայացված նամակի՝ բեռը Լյուբլյանա քաղաքի պահեստում սխալմամբ չի բարձվել մեքենան:

Փաստի առթիվ ՀՀ ՊԵԿ Արարատյան մաքսատուն-վարչության բացթողնման թիվ 1 բաժնի գլխավոր մաքսային տեսուչի կողմից 28.12.2018 թվականին ժառանգ ժուսուֆովիչի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 203-րդ հոդվածի հատկանիշներով:

ՀՀ ՊԵԿ իրավաբանական վարչության 08.01.2019 թվականի թիվ 11-5/1905635-19 գրությամբ «Էկո նատուրալս» ՍՊ ընկերության վերաբերյալ նախապատրաստված նյութերը վերադարձվել են Արարատյան մաքսատուն-վարչությանը՝ օրենքով սահմանված կարգով հետագա ընթացքն ապահովելու համար:

Ներկայացված նյութերի ուսումնասիրության արդյունքում պարզվել է, որ «Էկո նատուրալս» ՍՊ ընկերության անունով թիվ 05100022/221218/0031731 տարանցման հայտարարագրով ձևակերպված 3 տեղ 328.4 կգ բեռը փաստացի չի ներմուծվել ՀՀ տարածք, հետևաբար նաև ենթակա չէր հայտարարագրման:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը՝ որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50 հազար դրամի չափով:

ՀՀ մաքսային օրենսգրքի 205-րդ հոդվածի համաձայն՝ մաքսային կանոնների խախտման վերաբերյալ գործերի վարույթը կարգավորվում է սույն գլխով և Վարչական իրավախախտումների վերաբերյալ Հայաստանի Հանրապետության օրենսգրքի սույն գլխին չհակասող մասով:

Վարչական իրավախախտումների վերաբերյալ ՀՀ օրենսգրքի 247-րդ հոդվածի 1-ին պարբերության 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման հետևյալ հանգամանքների առկայության դեպքում՝ վարչական իրավախախտման դեպքի կամ կազմի բացակայությունը:

Այսպիսով, հաշվի առնելով, որ ժամին ժուռուֆովիչի գործողություններում բացակայում է ՀՀ մաքսային օրենսգրքի 203-րդ հոդվածի հատկանիշներով նախատեսված իրավախախտման դեպքը և ղեկավարվելով Վարչական իրավախախտումների վերաբերյալ ՀՀ օրենսգրքի օրենսգրքի 247-րդ հոդվածով՝

Ո Ր Ո Շ Ե Ց Ի

1. Ժամին ժուռուֆովիչի նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված մաքսային կանոնների խախտման վերաբերյալ գործի վարույթը՝ կարճել:
2. Որոշման մասին օրենքով սահմանված կարգով իրազեկել ժամին ժուռուֆովիչին:

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ ՏԵՂԱԿԱԼ



Հ. ՀԱՐՈՒԹՅՈՒՆՅԱՆ